



Roy Lervåg er både svært fornøgd og taknemleg når han kan melda om at Inga Tveito skal opna fotoutstilling på Galleri Oska førstkommende laurdag kl.18. Inga har gjennom mange år vore ein framifrå hobbyfotograf, og dette vart skikkeleg kjent då statsministeren valde eit av hennar foto som sitt julekortmotiv i 2015. Utstillinga på Oska vert Inga si debututstilling.



Roy Lervåg er svært fornøgd med at det skjer på Galleri Oska når Inga Tveito endeleg stiller ut nokre av dei fine bildene sine.

-Jeg er veldig takknemlig for at Inga Tveito velger å ha sin debututstilling her på Oska. I fjor vinter ble ett av bildene hennes valgt ut hos statsministerens kontor som det offisielle julekortmotivet som skulle pryde statsministerens julehilsen til statsledere rundt om i verden.

Et halvt år senere ønsker hun å pryde veggene på Galleri Oska i Uskedalen. Julekortet vil selvsagt være med, sammen med mange andre stemningsskapende naturmotiv, skriv mellom anna Roy Lervåg i ei pressemelding.

Inga har vakse opp i Uskedalen og gått på skule i Kvinnherad før ho tok utdanninga på Stord. I dag bur ho i Bergen og arbeider som lærar. Heilt sidan ungdommen har naturfag og forming vore eit stort interessefelt. Ho tok også spesialutdanning innan desse feltene. Etter at ho kjøpte sitt første speilreflekskamera på 70-talet, har det vore fast følgje både på turar i nærmiljøet og lengre borte. Ho seier at fotomotiva kan vera ei spesiell stemning med lyset,

linjer, flater, fargar og former. Det kan vera speglingar i vatn, skodde eller detaljar i naturen. Her er så mykje rundt oss berre vi gjev tid til å sjå.

Vi ser verkeleg fram til å sjå Inga Tveito sine kunstfotografi på veggene i Galleri Oska. Kl.18 på laurdag vert det altså opning av utstillinga. Inga vert sjølv til stades, og eg vil tru mange vil ta turen til Galleri Oska. Der vil dei få ein koseleg start på helga.

Meir stoff om Inga Tveito finn de på lenkjene under:

- På [NRK](#)
- I [Kvinnheringen](#)
- På [Uskedalsida](#) I
- [Bergensavisen](#)
- I [Grenda](#)

Tekst og nett: Thor Inge Døssland

Foto: Inga Tveito